

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 06 0 K 016122 24 K 3
Novi Travnik, 04.03.2025. godine

U IME FEDERACIJE BOSNE I HERCEGOVINE

Kantonalni sud u Novom Travniku, u vijeću sastavljenom od sudija Darmina Avdić, kao predsjednika vijeća, te Davora Kelava i Alme Islamović kao članova vijeća, uz sudjelovanje zapisničara Vanje Lovrinović, u krivičnom predmetu protiv optuženih J. G. i „G. T.“ d.o.o. K., zbog krivičnog djela Zloupotreba položaja ili ovlaštenja iz člana 383. stav 3. u vezi sa stavom 1. članom 33. i članom 128. stav 1. tačka c) Krivičnog zakona Federacije BiH, postupajući po optužnici Kantonalnog tužilaštva Travnik broj: T06 0 KTPO 0026788 20 od 19.12.2023. godine, nakon održanog pretresa za razmatranje sporazuma o priznanju krivnje u prisustvu kantonalne tužiteljice Ane Zelić, optuženog J. G., njegovog branitelja Vlade Slišković, advokata iz Kiseljaka i zastupnika optužene pravne osobe „G. T.“ d.o.o. K., advokata Valentina Slišković iz Kiseljaka, donio je i dana 04.03.2025. godine u odsustvu uredno obaviještenih stranaka i branitelja, javno objavio sljedeću:

PRESUDU

Optuženi:

1. J. G., sin S. i majke B. djevojački M., rođen godine u F.nastanjen na adresi P. O. bb, Općina F., po nacionalnosti Hrvat, državljanin BiH i HR, JMB:..., pismen, sa završenom srednjom stručnom spremom, po zanimanju trgovac, zaposlen u firmi „G.-T.“ d.o.o. K., oženjen, otac dvoje punoljetne djece, služio vojsku, ima čin razvodnika, vodi se u vojnoj evidenciji, nije odlikovan, srednjeg imovnog stanja, neosuđivan, nalazi se na slobodi,
2. „G. T.“ d.o.o. K., sa sjedištem na adresi V. P. bb, Općina K.,

KRIVI SU

što su:

u vremenskom periodu od 01.02.2018.godine do 31.05.2018.godine, na području općina Fojnica i Kiseljak, po prethodnom dogovoru i zajedno sa E. H. i S. S., nakon što je prethodno E. H. iskoristio svoje ovlasti propisane odredbama člana 32. Uredbe sa zakonskom snagom o ustanovama, tako što je kao direktor JU Zavod za zbrinjavanje mentalno invalidnih lica Drin Fojnica, odobrio da se sa računa iste ustanove uplati novac na račun „G. T.“ d.o.o. K. u iznosu većem od 50.000,00 KM, iako je bio svjestan da firma „G. T.“ d.o.o. K. nije isporučila robu oštećenoj JU Zavod za zbrinjavanje mentalno invalidnih lica Drin Fojnica, a S. S. sa računa oštećene javne ustanove broj: ... kod Sparkasse bank na račun „G. T.“ d.o.o. K. broj: ... kod Unicredit banke, izvršio uplatu sredstava u ukupnom iznosu od 55.500,00 KM, nakon čega je J. G., kao ovlaštenu zastupnik optužene pravne osobe „G. T.“ d.o.o. K., a u cilju pravdanja uplata sredstava, ispostavio fiktivne račune i to račun broj ... od ...godine na iznos od 15.541,80 KM, račun broj ... odgodine na iznos od 13.458,15 KM i račun

broj ... od ...godine na iznos od 26.499,98 KM u kojima je navedeno da je roba koja je precizirana u računima isporučena oštećenoj javnoj ustanovi, na koji način je pribavljena imovinska korist pravnoj osobi „G. T.“ d.o.o. K. u iznosu od 55.500,00 KM, a za isti iznos oštećena JU Zavod za zbrinjavanje mentalno invalidnih lica Drin Fojnica,

dakle, optuženi J. G. pomogao odgovornim osobama u Federaciji BiH da počine krivično djelo propisano krivičnim zakonom, a optužena pravna osoba „G. T.“ d.o.o. K. raspolagala imovinskom koristi koja prelazi 50.000,00 KM i koja je pribavljena krivičnim djelom Zloupotrebe položaja ili ovlaštenja iz člana 383. stav 3. Krivičnog zakona Federacije BiH,

čime je optuženi J. G. počinio krivično djelo Zloupotreba položaja ili ovlaštenja iz člana 383. stav 3. u vezi sa stavom 1. i članom 33. Krivičnog zakona Federacije BiH, a optužena pravna osoba „G. T.“ d.o.o. K. krivično djelo Zloupotreba položaja ili ovlaštenja iz člana 383. stav 3. u vezi sa stavom 128. stav 1. tačka c) istog zakona,

pa sud optuženog J. G., na osnovu istih zakonskih propisa i uz primjenu člana 50. tačka b) i člana 51. stav 1. tačka b) Krivičnog zakona Federacije BiH

OSUĐUJE
NA KAZNU ZATVORA U TRAJANJU OD 1 (jedne) GODINE,

a optuženu pravnu osobu „G. T.“ d.o.o. K., primjenom člana 135. tačka a), člana 136. stav 1. člana 139. stav 1. Krivičnog zakona Federacije BiH

OSUĐUJE
NA NOVČANU KAZNU U IZNOSU OD 5.000,00 (pethiljada) KM

koju je optužena pravna osoba dužna platiti u roku od 3 mjeseca po pravosnažnosti presude, a ukoliko izrečena novčana kazna ne bude plaćena u utvrđenom roku provest će se postupak njene prisilne naplate bez odgađanja.

Na osnovu člana 202. stav 1. Zakona o krivičnom postupku Federacije BiH optuženi se obavezuju da solidarno naknade troškove krivičnog postupka u iznosu od 250,00 (dvijestotinepedest) KM na ime provedenog ekonomskog vještačenja, te da na ime paušala plate po 100,00 (stotinu) KM.

Zapisničar
Vanja Lovrinović

Predsjednik vijeća
Darmin Avdić